



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sacrum Sanctuarium Crvcis Et Patientiae Crvcifixorum Et Crvciferorum

Bivero, Pedro de

Antverpiæ, M.DC.XXXIV.


Emblematica Imago XXIV. S. Theodori Militis Crvcifixi Explicata.

[urn:nbn:de:hbz:466:1-47616](https://nbn-resolving.org/urn:nbn:de:hbz:466:1-47616)



Nunc Gradiue vale, tibi bellica cingula pono:
24. Virtutis cotem crux mihi chara dabit.

Quarimus
viciis
EPI
8



EMBLEMATICA IMAGO XXIV.
S. THEODORI MILITIS CRVCIFIXI

EXPLICATA.

SANCTVS THEODORVS miles apud Pergem Metaph. Niciphot. Martyrol.
 in Pamphilia, Antonino Imperatore, Præ-
 fide Theodoto, pro tuenda veritate cru-
 ci suffixus est. Totus in armis, totus for-
 tis de carnis imbecillitate triumphauit. *Arma militiae* 2. Cor. 10.
nostra non carnalia sunt, sed potentia Deo ad destructio-
nem munitionum, consilia destruentes, & omnem altitudi-
nem extollentem se aduersus scientiam Dei, & in captiui-
tatem redigentes omnem intellectum in obsequium CHRI-
 STI. Natura nostra genuit infirmos & inermes ho-
 mines, gratia verò virtutibus armatos ac munitos
 generat. Quid aliud virtutes nostræ sunt, quàm ani-
 mæ nostræ arma? Armatus miles in crucem THEO-
 DORVS ascendit fide, charitate, virtutibusque mu-
 nitus, vt in patibulo crucis cum morte ipsa confli-
 geret. Confluxit & in cruce CHRISTVS: *Mors & vi-* Sympathia Christi & Theodori
ta duello conflixere mirando, munitusque sua diuinita-
te, & armis virtutum ornatus, duellum pariter & Artificium militiae nostræ
 triumphum egit. Commendatur à CHRISTO ipso
 caelestis Angelus apud Birgittam lib. 1. cap. 36. quod

Ff sem-

semper armatus causam animarum egerit. Tu es qui
 si miles Domini, qui numquam deposuit galeam suam pro-
 pter tedium, & qui pro timore numquam diuertit oculos
 suos a praeliis. Commendetur & THEODORVS, qui
 vixit semper in armis, & in armis obiit, se ipsam
 vincens, & calcans suae carnis imbecillitatem par-
 ter & infirmitatem. Commendetur miles CHRISTI
 de quo Bernardus Serm. 61. in Cantic. *Vult bonus
 deuoti militis vultum & oculos in sua sustolli vulnera,
 illius ex hoc animum erigat, & exemplo sui reddat ad
 lerantiam fortiolem.*

CRUX THEODORI militis, CRUX militiae
 Christianae.

Instrumen-
 tum artis
 bene vi-
 uendi.

1. Pet. 5, 8.

Laboriosa militia est, quae milites suos semper
 vigilantes, semper armatos requirit. Haec est mil-
 itia Christiana, in qua promulgatum est, *Sobrii estote,
 & vigilate, quia aduersarius vester diabolus tanquam
 leo rugiens circuit, querens quem deuoret, cui resistite for-
 tes in fide.* Memor officij sui, & memores nos omnes
 reddens Bernardus, loquitur in haec verba Serm. 2.
 de S. Andrea: *Nos miseri & miserabiles vicinis tor-
 pentibus, & igneis telis undique volantibus, insurgentibus
 inimicis, nihilominus perfuciosa securitate, & negli-
 gentia dormitamus, torpentes otio, & vanitatibus & se-
 rilitatibus.*

rilitatibus indulgemus, pigri ad spiritalia exercitia, ac si
 iam pax sit & securitas, & non sit militia hominis super
 terram. Concludit: Propterea obsecro vos, dilectissimi, ^{Excitati}
 ipsa nos excitet hostium malitia peruigil, & instantia eo- ^{aboran-}
 rum maligna, qua tam sedui tam solliciti sunt in nostram
 perditionem, nos quoque sollicitos faciat & circumspectos,
 ut in timore & tremore nostrorum ipsorum salutem ope-
 remur. Ecce enim in cruce salus nostra tantum, ut ei vi-
 riliter inhaeamus. Viriliter inhaeret suae cruci arma-
 tus THEODORVS, & similis THEODORO Christianus,
 qui crucifer CHRISTI, & CHRISTO totus
 armatus, viuens & moriens carnis infirmitatem per-
 sumdat & calcat, dicitque: *Omnia possum in eo,* ^{Phil. 4, 1.}
qui me confortat. Mysticum THEODORVM armis omni-
 bus munitum describit Iustinianus lib. II. de Inter-
 conflict. cap. 7. & agens de galea dicit: CHRISTVS
 caput tuum veluti spiritalis galea salutis ab inimicorum
 protegat iaculis. Hac quippe galea si fueris decenter orna-
 tus, corporis animaeque tuae custodies sensus, non poterit
 mors habere ingressum, ubi vita suum collocauerit domici-
 lium. Cum hoc eodem loquitur S. Ephraem agens de
 agone spiritali: *Cupis in agone ac luctamine decertare?*
Indue te armaturam Dei, sicut vestimento. Indue te virtuti-
bis animae, caue exuas.

CRUX THEODOKI, CRUX ægrotantis.

Instrum. n.
tum ari.
bene m.
riendi.

DVrus ac dirus mortis conflictus expectat
omnes: aut vincendi à morte sumus, aut mor-
tem victuri. Si velimus esse victores, curemus
inermes & nudos nos vltima hora deprehendat,
timus finis reperiat, mors inueniat. Quòd si THEO-
DORVS miles non nisi munitus & cinctus intem-
potius quàm externis armis, cum morte certare
inuit, quis audeat lectum doloris ascendere, & cum
morte manus conferere, nisi totum prius se spiritu-
liter communierit? Christianum militem æger
lecto se præbeat, & quidem militem agebat loban-
in cuius elogium Ambrosius cap. i. de Secunda in-
terpellat. Dauidis asserit: *Quasi athleta fortis in ster-
re sedens, in tantis vibicibus, & sauis doloribus vultu-
ris, totum corpus diris perfusus vlceribus mysticè loque-
tur, nec acquirendis propriis remediis agritudinis, sed ser-
uabat sermonibus. Fortiores itaque sermones agri bene-
nis, quàm illorum qui non ægrotabant. Quanta sit huius
sæuientis morbi militia, vel ex hoc intelligi potest
quod in Psalm. 5. dicit S. Chrysostomus: Morbi tem-
pore huius maxime pugnae tempus est, quando dolores
dique perturbant animum, quando tristitiæ obsident, quan-
do adest diabolus incitans, vt acerbum aliquod verbum*

canus. Incitat diabolus, vt acerbum verbum proferamus in Deum, qui nobis infirmitates immit- tit; in homines, qui nobis ægrotantibus assistunt.

CHRISTVS econtrà nos excitat ad tolerantiam, ^{Excitatio agrotan- tis.} suadet vt gratias agamus Deo, qui nostrorum est auctor morborum, patientiâ nos componit & ar- mat, vt victoriam de diabolo reportemus. Excitat quoque nos, vt & assistentibus gratos nos exhibea- mus, & cupiamus benefactoribus nostris officia ac- cepta rependere & compensare. Hæc lex militia Christianæ est, vt, qui nobis in lecto assistunt, gra- titudinem nostram sentiant & experiantur, quem- admodum CHRISTO assistentes in cruce Mater, Ioannes & bonus Lator, eius beneficentiam expe- rimento didicerunt. Nec vnus persecutorum, nec tortorum acerbum aliquod verbum à CHRISTO iam cruci affixo excepit. Tunc maximè apparuit be- nignus, cum humana crudelitas magis in eum sa- uiebat. Ergo vt per omnia militem THEODORVM referamus, *præbeamus nos veluti milites strenuos pro Re- ge nostro promptè alacriterque mortem appetentes*, quem- admodum hortatur agens de Patientia & Pœnitentia Ephræm.

Leuamen laborantis & ægrotantis.

Virtus Eucharistia

Rex gloriosus, qui non venit pacem mittere sed gladium, & prodiens in campum cum morte ipsa digladius est, prouidit de militari annona Eucharistia, vt qui eius castra sequuntur, tanti Sacramenti virtute ferre labores militares queant. Gratum & faustum nuntium sanis & ægris, qui in castris CHRISTI versantur, vt se Eucharistia reficiant, & nouas vires acquirant, quales in vltima

viaticum.

firmitate post sumptum Viaticum D. Franciscus acquisiuit, & non multo post, militariter loquens. *Psal. 141, 8.* *Educ de custodia animam meam, sanctam animam exhalauit.* Hæc sacra Hostia, hæc militaris annona contra sanctæ Ecclesiæ castra nec inuenitur, nec datur. Conceditur Christiano militi, qui viuit semper armatus; nec arma sua deponit, nisi deponat vitam, & tunc porrigitur in Viaticum facer panis munitionis, quo munitur contra mortem, & vallatur contra hostem.

Gloriosum opus Artis Crucis & patientiæ, corona aurea & laureola.

*Honor alit
artem bene
viviendi &
moriendi.
Luc. 12, 50.*

Sacrum suum martyrius CHRISTVS vocatus *Baptismum.* ait enim: *Baptismo habeo baptizari,* quomodo

quomodo coarctor vsque dum perficitur? Hinc ortum
& originem habuit, vt sacrum Confessorum mar-
tyrium *Baptismus sanguinis* appellaretur. Christianus
miles sanctæ se militiae adscribit, & castris CHRISTI
tunc assistit, cum tingitur aqua lustrali, cuius laua-
erum miram habet consonantiam cum sacrosan-
cto martyrio. non enim solum titulo & nomine, sed
re ipsa martyrium nominatur *Baptismus*, & est. Ea-
propter professori artis militiae Christianæ Homil.
de Machabæis dicit Leo: *Renuntia voluptati, auertere
ab immunditia, pelle luxuriam, & cum videris te multi-
plicem habere pugnam, tu quoque imitator Martyrum nu-
merosam quære victoriam.*

Cum homo militiae adscribitur per Baptismum,
admittitur in nomine Patris, & Filij, & Spiritus sancti. Math. 28,
19.
in quarum visione diuinarum personarum corona
gloriæ consistit. *Qui crediderit, & baptizatus fuerit,* Marc. 16,
16.
saluus erit: sed ita saluus fiat, vt candidato numero
Martyrum aggregetur, sicut aggregata Paula Ro-
mana est, de cuius morte dolentem atque lugentem
consolatur filiam D. Hieronymus in hæc verba: *Se-
cura esto, Eustochium, magna hereditate ditata es. Pars
tua Dominus, & quò magis gaudeas, mater tua longo
martyrio coronata est.* Hæc Paula, & Paulus necdum Lan. gola
militia
nostra.
à Nerone adiudicatus morti, sibi martyrij laureo-
lam

lam promittebat, cum miles iam emeritus afferere

1. Tim. 4. 8. *Bonum certamen certavi, cursum consummaui, in reliqua
reposita est mihi corona iustitiae.* Magnum certamen mor-
rientis, cuius extremo agoni corona iustitiae respon-
det. vnde & agonizans, & cum morte simul luctans

Antoninus Florentinus diuinum implorat auxilium

Psal. 37.
69.

Extrema
verba mor-
rientis.

*Deus in adiutorium meum intende: & prae oculis cor-
nam iustitiae habens subiungit, Servire Deo, regna
re est.*

Prodeant in publicum spectaculum sancti MAR-
CVS, MARCIANVS, & SOCII; in quibus, velut in
speculo, constantiae in labore & morbo forma con-
spicitur.